



Syndicat National des Enseignants - www.sne.lu

BP 2437
L-1024 Luxembourg

tél +352 48 11 18
fax + 352 40 73 56

www.sne.lu
sne@education.lu

siège : 11-13, rue des Ardennes
L- 1133 Luxembourg -Bonnevoie

Lëtzebuerg, de 26 ten November 2018.

sne - infomail



Léif Kolleginnen a Kollegen,

Mam neie Schouljoer sinn eng Partie Ännerungen a Kraaft getrueden, iwwert déi mir lech informéiere wëllen.

1 ... « Accord salarial » ...

De 15. Juni 2018 huet d'CGFP mat der Regierung en Amendement zum «Accord salarial» vum Dezember 2016 ënnerschriwwen. Doranner gouf
ënnert anerem **festgehalten, dass d'80/80/90 – Reegelung beim Stage vum 1. Januar 2019 u soll ofgeschaft ginn.** Dëst gëllt souwuel fir déi Enseignanten, déi zu deem Moment am Stage sinn, wéi och fir déi Enseignanten, déi nom 1. Januar 2019 hire Stage ufänken.

Déi Stagiairen, déi an deene leschte Jore vun der 80/80/90 - Reegelung betraff waren, kréien zwar hir "verluere" Sue vun Gehalt net zréck (et gëtt kee Recalcul gemaach), mee **si wäerte bei der Pensioun kee Verloscht erliden, well hir Pensiounsrechter vum Staat nokaaft ginn.**

Dës Weideren ass an deem Amendement festgehale ginn, **dass d'Dauer vum Stage am Prinzip op 2 Joer erfogesat gëtt.** Och wann d'Stagezäit elo reduzéiert gëtt, **wäert den SNE/CGFP sech weiderhin derfir asetzen, dass d'Contenue vum Stage op de Leescht geholl ginn. An deem Zesammenhang fuerdert den SNE/CGFP nach ëmmer d'«Mise en place» vun engem sënnevolle Stage.**

Am Amendement ass och festgehale ginn, dass d'lessenszoulag vum 1. Januar 2019 u vun 144 Euro ëm **60 Euro op 204 Euro gehuewe gëtt.**

2 🖱️ ... « Formation continue » ...

A punkto «Formation continue» **ass d'Unzuel u FoCo-Stonnen, déi mat an déi nächst Referenzperiod kënnen eriwergescholl ginn, vu 4 op 16 Stonnen erhéicht ginn.**

3 🖱️ ... Zäitspuerkont (CET) ...

An der Summervakanz gouf d'Gesetz iwwert d'Aféierung vun engem Zäitspuerkont (CET) an der «Fonction publique» am «Journal officiel» publizéiert. Dësen Zäitspuerkont gëllt och fir d'Léierinnen an d'Schoulmeeschteren aus dem Enseignement fondamental an aus der «Voie de préparation» vum ESG.

Allerdéngs leeft den Zäitspuerkont an der Grondschoul eréischt am vollen Ëmfang fir d'Schouljoer 2019-2020 un.

Den Zäitspuerkont erlaabt et Iech, Är geleschten Iwwerstonne bis zu engem Maximum vun 900 Schoulstonnen unzespueren, fir se zu engem spéideren Zäitpunkt eranzehuelen. 900 Schoulstonnen entsprechen engem Schouljoer. Et dierf ee maximal an der Joresmoyenne 20% vu senger Tâche op den CET setzen.

Dat entsprécht bei enger voller Tâche 5 Schoulstonne pro Woch am C1, 4,6 Schoulstonnen am C2-4 a 4,4 Schoulstonnen am Préparatoire.

Vill Detailer, déi déi praktesch Ëmsetzung ubelaangen, müssen nach mam MENJE gekläert ginn, ënnert anerem wéi eng Méiglechkeeten een huet, fir déi ugespuerte Schoulstonnen eranzehuelen.

Dir wäert awer och an Zukunft de Choix behalen, Iech Är Iwwerstonnen ausbezuelen ze loosser oder awer d'Totalitéit (bis zum autoriséierte Maximum), respektiv eng Partie dovunner, op Ären Zäitspuerkont ze setzen.

4 ... « Service à temps partiel »...

Bis elo gouf et de «Service à temps partiel» vu 25, 50 a 75 Prozent. Dee war «à durée indéterminée» an huet am Prinzip bis zur Pensioun gegollt. Derniewent gouf et de «Congé pour travail à mi-temps», deen een op eng begrenzten Zäitdauer ufroe konnt.

Mam Gesetz vum CET goufen an der «Fonction publique», niewent de Paliere vu 50 a 75 Prozent, nei Paliere vu 40, 60, 70, 80 an 90 Prozent agefouert. De Palier vu 25 Prozent gouf ofgeschaaft. Dës Weidere kann dës «Service à temps partiel» elo esouwuel «à durée indéterminée» wéi och «à durée déterminée» ugefrot ginn.

Vu dass déi partiell Tâchë vu 70 Prozent respektiv 80 Prozent am Enseignement net accordéiert ginn, kënt et zu enger onfairer Diskriminatioun par Rapport zum Rescht vun der «Fonction publique». Den SNE/CGFP ass der Meenung, dass déi Palieren och missten am Enseignement méiglech sinn.

Am Juli 2018 huet de MENJE d'«Tâche d'enseignement direct», den «Appui pédagogique» an d'«Formation continue» fir déi nei Paliere festgeluecht, **ouni dass den SNE/CGFP am Virfeld consultéiert gouf. Den SNE/CGFP ass net mat dëser Opdeelung d'accord, well se net gerecht ass. Duerfir fuerdert den SNE/CGFP, dass dës Opdeelung am Sënn vun den Enseignantë rektifizéiert gëtt.**

5 ... « Formation continue » am Zesammenhang mat der Evolutioun vun der Carrière ...

Den 1. Oktober 2015 ass d'Reform an der «Fonction publique» a Kraaft getrueden, déi eng Partie Ännerunge mat sech bruecht huet. **All Léierinnen a Schoulmeeschteren, déi virun dësem Datum am Déngscht waren, bleiwen am «E-Tableau transitoire» iwverdeems dat Léierpersonal, dat no deem Zäitpunkt agestallt gouf am A2 aklasséiert gouf.**

Fir all déi Leit, déi am E-Tableau bleiwen, féiert den Artikel 50, Paragraph 5 vum Traitementsgesetz vum 25. Mäerz 2015 allerdéngs eng zousätzlech Konditioun a fir an den Echelon 14 ze kommen. **Dësen Artikel gesäit vir, dass all dës Schoulmeeschteren am Laf vun hirer ganzer Carrière 30 Deeg (=180 Stonnen) Formation continue virweise mussen fir an den Echelon 14 vun hirem Grad ze kommen.** An deem selwechten Artikel ass awer vum Akraafttriede vum Traitementsgesetz un (25. Mäerz 2015) eng «Période transitoire» vu 5 Joer virgesi fir op déi Unzuel vu Formatiounsstonnen ze kommen. An där Period huet een e Kredit vun 12 Deeg (=72 Stonnen) zegutt, fir net an der Carrière blockéiert ze ginn an awer den Echelon 14 ze kréien. **No dëser Transitounsperiod vu 5 Joer muss een awer dann d'Formatiounskonditiounen erfëllen, dat heescht all Enseignant aus dem E-Tableau muss mindestens 180 Stonne «Formation continue» virweise kënnen fir net a sengem weidere Verlaf vun der Carrière blockéiert ze ginn.**

An deem Dossier huet de MENJE eis verséichert, dass all Formatioun, ob prioritär oder net prioritär, vum SCRIPT, IFC oder IFEN berücksichtegt gëtt. Dës Weidere gëtt de «Certificat de Perfectionnement» mat 90 Stonnen ugerechent.

Mat beschte Gréiss.

De Comité central vum SNE/CGFP

BP 2437
L-1024 Luxembourg

tél +352 48 11 18
fax + 352 40 73 56

www.sne.lu
sne@education.lu

siège : 11-13 , rue des Ardennes
L- 1133 Luxembourg -Bonnevoie

